


लईका मन बर बाईबिल प्रस्तुत करत हवे।



पुरुस, जउन
कभु नई
झुकए

लिखे गए हवे। : Edward Hughes

उत्साह बढ़े गए हवे। : Jonathan Hay

अनुवाद करे गए हवे। : मधुलिका महतो

चयन करे गए हवे। : Mary-Anne S.

कथा 33 ले ६०


www.M1914.org

Bible for Children, PO Box 3, Winnipeg, MB R3C 2G1 Canada

लाईसेंस : आप मन करा इ कथा ल छापे बर अऊ नकल करे के अधिकार
तमे तक हे जब तक आप मन एला बेचिहा नाही।


Chhattisgarhi

राजा नबुकद नेसर हा एक
उन बिसाल मुरति कर निरमान
करवाइस। ओहा मुड़ ले गोड़
तक, सोन के रहिस। राजा ओ
सपना ला भुल गय रहिस,
भगवान हा ओला बताय रहिस
कि ओखर सोना कस राज सबो
दिन बर नई रहि। साइद ओहर
अइसने सोचीस जदि ओहा पूरा
मुरति ला खाली सोनेचले निरमान
करवायत फेर ओखर सपना
दवारा देहे गय भगवान कर
ओ बचन सत नई होवय।




1

“राजा के सेवक मन ले एक
झन जम्मो मनखे बर आदेश
पढ़िस ... तुमन जम्मो तरी गिर
के इ सोन के मुरति के पुजा
करिहा ... अउ तुमन ले जउन
कोन्हो घलो तरी गिर के पुजा
नई करहि ओहा एकठन जरत
आगि के भट्ठी कर बीच म
डार देहे जाहि।”



2

तीन ठन पुरुस ला छोड़ के – जम्मो मनखे मन राजा के इ आदेश कर पालन करिन। इ मनखे इबरी मन म ले रहिन। ओमन सदरक, येसक अउ अबेद नगो, दानियेल कर संगवारी रहिन।




3

निसचित रूप म लागत हे दानियेल ठीक बेरा म उहाँ नई रहिस, नई त ओहा अपनेच मनखे के हाथ ले निरमीत मुरति के पुजा करय ले इनकार कर दे होतिस।




4

राजा के पुजारी दानियेल अउ ओकर संगवारी मन ले जलन राखत रहिन, काबर कि राजा ओमन ला पसंद, करत रहिस।



5

“तब ओमन कहिन, जेन तीन पुरुस मन ला, सदरक, मेसक अउ अबेद नगो ला तयहा बाबुल परान्त के उपर सासक मन के रूप म राखे हे। हे राजा इ मनखे, तुहर आदेश के पालन नई करत हे। ओमन तुमहर देवता मन के उपासना अउ नइच तुहर दुवारा इसथापित तउन सोन सोन के मुरति कर पुजा करत हे।”



6

राजा नबुकदनेसर रिस म भर गिस। ओहर चेताइस कि जदि तुमन जम्मो पुजा नई करिहा, “त तुमन ला एकठी जरत आगि के भट्ठी कर बीच म डार देहे जाहि।” फेर कोन भगवान हा मोर हाथ ले तोला बचाहि ?”




7

राजा एकठन बड़खा गलती करत रहिस। ओहा सिरथो म जीयत परभु भगवान ला चुनती देत रहिस। इस तीन ज्ञन इबरी पुरुष मन ला ये पता रहिस कि मुरति पुजा कर ई भगवान के कानुन के बिरोध म रहिस। ओमन ठाड़े रहिन। ओमन भगवान म भरोसा करिन, काबर कि ओमन राजा ले नई डरात रहिन।




8

इ तीन बहादुर पुरुष मन करा राजा बर एक ठन जुआब रहिस।
“तेउन मन कहिन कि हमन जेउन यहोवा कर सेवा करथन ओहा
हमन ला जरत आगि के भट्ठी म ले बचाय म सकछम हे : लेकिन
जदि नइ तहुले राजा ये जान लेवय कि हमन तोर देवता के
उपासना अउ इच तुहर दवारा इसथापित सोन के मुरति कर पुजा
करबो।”



9

राजा नबुकदनेसर
अब्बड़ जंगईस। ओहर
भट्ठी ला साधरनर
गरमी के बलदा म
सात अउ जादा गरम
करय के आदेश दिस।
तहुले पुरुष मन घुटना
नई टेकिन।



10

राजा हा अपन सइना म
ले सबले सक्ती शाली
पुरुष मन ला आदेश
दिस कि ओमन
सदरक मेसक

अउ
अबेदनगो
ला बांध
के ओही
जरत
आगि के भट्ठी म
ओमन ला फेंक देहे।



11

भट्ठी के आगि हा अतकी
गरम रहिस कि सदरक,
मेसक अउ अबेदनगो ला
फेंकय बाला पुरुष मन के
उ गरम तपत ले मउत
हो गिस।




12

राजा एकठन सुरक्षित दुरिहा ले सब्बो कुछु देखत रहिस। ओहर
देखिस कि तीन ठन पुरुष मन ला सित्तो म भभकत भट्ठा के माझा
म डारत जात रहिस : लेकिन वोहा सब्बो अतीकीच नई देखीस।



13

राजा नबुकदनेसर
अकबकाय रहिस। ओहर
अपन सहायक मन ला
पुछीस, “हमन आगि के
माझा म खाली तीन
ठन मनखे मन ला
बांध के नईच
फेंकय रहेन ?”



14

“हाहो” ओमन उत्तर दिन।
ओहर कहिस, “देखव,
लेकिन मय हा आगि के
मांझा म चार पुरुष मन ला
ऐंति—ओति फिरत देखत
हव, अउ तउन मन
ला कुछु हानि घलो
नई होवत हे। अउ
चउथा भगवान
कर बेटा कस
लागत हे!
देखव!”



15

जरत आगि के भूटी के फईरका के
लकठा म जाके, राजा अब्बड़ रोइस
अउ चिरलाईस “सदरक, मेसक अउ
अबेदनगो परम परधान भगवान के
दास, बाहिर आवा।” त
फेर सदरक अउ
अबेदनगो, आगि
के भूटी ले
बाहिर आ
गईन।



16

जम्मो झन मनखे चारों कोति जुर के उ तीन ठन इबरी मन के
जांच करिन। ओमन देखे रहिस कि आगि करा ओमन ला जराए
बर कोन्हो सकती नई रहिस। उंकर चुंदी तक नई झुराय अउ नइच
उंकर ओन्हा जरय रहिस। ओकर ले आगि के गंध घलो नई आत
रहिस।



17

जब ओला महसुस होइस, तब राजा नबुकदनेसर हा अब्बड़ बुद्धिमानी
भरय बुता करिस ओहर पराथना करिस, अउ कहिस “सदरक मेसक
अउ अबेदनगो के भगवान धन्य हावय, जेन हा अपन दूत ला भेज के
ओकर उपर बिसवास करय बाला सेवक मन ला बहचा लिस हे।”



18

पुरुस, जउन कभु नई झुकए

इ कथा हर भगवान के बचन के द्वारा एक ठी बाईबिल

पाए जाथे।

दानियेल 3

“आप मन कर बानी हर एला अंजोर देखे।”

भजन संहिता ११९ : १३०

भगवान ला पता हे कि हमन गलत काम
करे हन जेन ला ओहर पाप कहिथे। पाप के सजा मौत हावे।

भगवान हमन ले बहुत प्यार करथे, ओहर अपन बेटा ईशु मसीह ला क्रूश में
मरे बर अऊ हमर पाप के सजा ला पाये बर भेजीस। ईशु मसीह हा फेर
जिंदा होगिस अऊ स्वर्ग वापस चल दिस ! अब भगवान हर हामन के पाप
बर माफ कर सकथ हे।

अगर आप मन अपन पाप ले मुख ला मोड़े बर चाहत हव ता भगवान ले ये
कहव : हे भगवान! मैं विश्वास करथव कि ईशु मसीह हा मोर बर मरीस
हावे अऊ अब ओहर फेर ले जीवित हावे। दया करके मोर जिंदगी मा आवव
अऊ मोर पाप ला क्षमा करव। ताकि मैं हर अभी नांवा जिंदगी ला पा
सकव, अऊ आप मन के संग मा हमेशा बर रह सकव। आपके बेटा बनके
आप बर जिये सकव।

बाइबल ला पढ़व अऊ भगवान से रोज बात करव !